

Nouvo

Vizyon

Newsletter of the Seychelles National Party
Vol. 17 Nimero 2 (23 Zanvye 2008)

Fer laplenn nivo dan Konstitisyon

Lannen 2008 in ganny deklare koman lanne Konstitisyon. Tenm ki'n ganny deklare se: **Nou Konstitisyon:lavwa nou nasyon. Lo nou kote dan SNP, nou kontan sa lide aköz i donn nou posibilite apre 15an dan 3em Repiblik pou regard ankör nou Konstitisyon e ranforsi bann praktik demokratik ki kapab fer nou pli for koman en nasyon e en pei. Annou pa oubliye ki an 1993 letan Konstitisyon ti gany aprouve, SNP ti vot kont, e se SPPF ek DP ki ti ekri e vot pour sa Konstitisyon. An 2008 keksoz in diferan. Se SNP ki tenir balans dan Lasanble, e nou annan en rol enportan pou desarze anver okenn revizyon nou Konstitisyon.**

Ranforsi nou Demokrasi

Atraver revizyon Konstitisyon, nou kapab ranforsi nou demokrasi, e sa i ava ede pou anmenn en demokrasi pli balanse. Leksperyans sa 15an i devret ed nou koman en pei fer sa. Pandan sa letan nou'n fer 4 eleksyon Lasanble Nasyonnal e 4 eleksyon Prezidansyel. I kler ki sa leksperyans i devret ed nou regard ankör nou sistenm eleksyon e nesosite en 'Komisyon Elektoral' i vin en nesosite. An menm tan i kler ki nou bezwen fer rantr dan Konstitisyon en 'Human Rights Commission' ki ava asir proteksyon drwa tou sitwayen nou pei kont viktimizasyon ek okenn labi. Avek lezot nouvo lenstitisyon ki nou santi i enportan, nou demokrasi i ava vin pli for.

Klersi langaz nou Konstitisyon

Plizyer avoka Konstitisyonnel in dir ki serten provizyon Konstitisyon pa kler e sa i anmenn en serten konfisyon parfwa. Sa lekzersis revizyon i devret permet nou adres sa bann tel sitiasyon e klersi langaz nou Konstitisyon. Sa dan limenm i ava permet dimoun pli byen konn zot drwa e konnen kwa ki nou pei i ekspekte avek son bann sitwayen.

Enprim Konstitisyon pour lepep

Nou anvi fer en premye lapel avek Gouvernman pou enprim kopi nou Konstitisyon e met zot a dispozisyon lepep Seselwa. I tre enportan pour tou dimoun annan en kopi pour zot kapab konnen ki son lavwa pe dir.

SNP pou rod sa ki pli bon pour Sesel

SNP i pou rod sa ki meyer pour Sesel atraver sa lekzersis lo Konstitisyon. Nou'n touzour prezant nou koman bann dimoun ki apiy drwa sitwayen, e alor dan sa loportinite ki prezante, nou pou fidel anver nou manda pou defann e rod sa ki meyer pour Sesel e pour Seselwa.

Problenm fermye lo kalite ek pri manze zannimo

Ozordi dan Sesel, i annan en sitiasyon ki vreman alarman kot pri ek kalite manze zannimo pe senm lafreyer atraver pei. Sa size i devret en konsern priorite pour Gouvernman, piblik ki konsomm lavyann, bouse ek fermye.

Sa problenm i enn ki'n la en bon pe letan e i paret ki Gouvernman kantmenm i ganny averti, in napa sa volonte pour ed bann partner sers en bon solisyon.

Dan nouvel lo SBC Zedi swar, nou ti soke pou antann sa bann fermye pe plenny zot sor pour sa travay ki zot antreprann pou ed pey vin otosifizan lo lavyann.

I fer lapenn ler ou tande ki sa kalite manze zannimo ki SMB pe prodwir, pe touy zannimo olye angres zot. Pourtan i sel landrwa kot fermye i kapab aste manze zannimo isi.

I pou malere si bann prodikter pa ganny okenn sipor e zot deside abandonn sa profesyon aköz risk ki zot faid konpletman aköz zot zannimo pe mor an gran kantite, zisteman aköz kalite manze pa bon.

Sa size i pa enn k'in fek leve semenn pase. Sa i en vye problenm ki Gouvernman pa'n montre okenn volonte serye pou remedye. Fermye, atraver zot lasosiasyon, ti komans sonn alarm depi lannen 2004, kot Gouvernman ti'n sipoze rankontre zot pour negosye. Malerezman ti napa okenn volonte serye de lapar Gouvernman aköz tou keksoz ti aret lanmenm. Plitar an Avril 2007 bann fermye ti fer en dezeyenm leseye e ankör enn

fwa ti napa gran volonte lo lapar Gouvernman.

An Oktob 2007 Lasosiasyon Fermye ti fer ankör en zefor par pibliy en let ouver pour Gouvernman dan bann zournal lokal an menm tan ki Lasanble Nasyonnal ti pe debat lo en mosyon anmenn par manm Lopoizisyon Hon Hardy Lucas lo size pri ek kalite manze zannimo. Olye aport zot sipor, MNA SPPF, spesyalman dirizan bann biznes Gouvernman Hon Marie-Louise Potter ti imilye Hon Lucas e dir li ki i pa serye. Hon Mark Naiken ki ti ankör en anplwaye departman lagrikiltir, ti donn lenpresyon ki keksoz i ok, pri i ok e kalite manze i ok.

Malgre tou konplent par fermye lo pri ek kalite manze zannimo, SMB li, anba program MERP ti prefere ogmant pri sorti R 113 en bal manze pour vin R 129, en logmantasyon R 16.

Menm si Minister Finans in renye ki ti annan kontener mayi ki ti'n pri lo por pandan plizyer semenn, nou konpran ki sa ti en size reel e ki lanmwaye mayi dan tou sa bann kontener ti'n fini gate.

Ozordi letan nou pe fer fas avek sa bann difilkilte, Gouvernman i devret pe pran konsey avek bann fermye ek eksper, olye azir gro lebra e terminn kontra travay sa spesyalis Belge ek lezot travayer an bonavini. Nou fek aprann ki Minister Finans i anvi ogmant pri manze zannimo par R100! Pa etone letan lavyann i ogmante alor. SPPF in perdi konpa!

Lasante pou peye byento?

Minis Lloyd: "Peyman i en opsyon."

Gouvernman SPPF pe seryezman konsider opsyon fer Seselwa komans pey servis lasante. Sa i deklarasyon ki Minis Lasante ek Devlopman Sosyal ti fer lo SBC semenn pase.

SNP i kont en tel demars aköz nou vwar sa koman en lot aksyon dezonnèt lo lapar gouvènmàn. I dezonnèt aköz ou a rapel ki nou fek annan en eleksyon prezidansyel an 2006 e Lasanble Nasyonal an 2007. Dan kanpanny toulede eleksyon, bann kandida SPPF ti promet pou mentenir en sistenm lasante gratwit pour tou Seselwa.

Nou pou kont lefe ki apre ki lepep in fer li konfyans, SPPF i fer lekotrèr avek sa ki in dir. I pa pou premye fwa zot azir dan sa fason malonnet. Ou a rapel ki zot ti entrodwir GST zis apre eleksyon 2001 e devalye rounpi par plis ki 45% zis apre eleksyon 2007. La ankor enn fwa zot pe anvizaz en lot sok pou

Seselwa.

I annan enpe letan ki bann o zofisyè gouvènmàn in komans abord size pey servis lasante piblikman. Lannen pase, ansyen Sekreter Prensipal, Jude Gedeon ti lev sa topik dan program 'Economic Watch.' Alor i annan ase rezon pou kwar ki byento sa i pou en lot realite lavi anba gouvènmàn SPPF.

Seselwa i merit demann son lekor si kreasyon en lotorite lasante (NHA) pa en

Rol MNA dan distrik

Dan sa nouvo latmosfer politik i Denportan osi pou revwar rol MNA dan distrik e donn li sa vre plas ki i merite.

SNP in tou-l-tan demande ki MNA i zve sa rol mazer dan devlopman son distrik e ki i ganny sa respe ki i merite. Apre tou, se lepep ki'n elekte li pour en manda pou

fason ki pou ganny servi, andizan zot in met presyon lo gouvènmàn pou pran en tel desizyon? Eski lefet ki ni Sef Ekzekitif e ni Tyermenn sa lotorite pa 2 politisyen, pa pou pli fasil pou zot pran sa desizyon san ki SPPF i ganny blanmen direktèman?

SNP pe demande ki gouvènmàn i fer en bon refeksyon avan fer Seselwa pey lasante. Tou fammiy pe soufer e i pa letan pou pran sa kalite desizyon ozordi. I pou fer pri lavi vin pli ser e i pa akseptab. Nou swete ki SPPF i montre en leker pli imen dan sa moman.

deservi son distrik. Dan sa dernyen 3an SNP in anmenn 2 mosyon dan Lasanble Nasyonal lo sa size. An 2005 SNP ti demande ki nou revwar koman distrik i ganny administre e ki rol MNA i bezwen zve.

An zen 2007 SNP ti demande ki MNA i ganny bann fasilite neserer dan distrik ki a permet zot desarz zot responsabilite. Me ankor SPPF ti rezet sa. Ozordi direksyon ki pei pe pran nou pou napa swa e sa MNA elekte pou bezwen ganny sa mwayen pou li fer travay dan son distrik e pour son pep ki'n elekte li.

Sa MNA i devret diriz komite devlopman son distrik. Tou bann demann e devlopman distrik a pas atraver sa komite. Lepep a ganny konsilte a sak fwa ki en devlopman i ganny propoze, koumsa zot a santi ki zot osi zot annan en kontribisyon dan desizyon ki ganny pran.

Fodre ki distrik i ganny sa lotorite, e sel fason fer sa se atraver travay en komite bi-partizan dirize par MNA elekte. An 2008, MNA i bezwen pran sarz son distrik!

Pri lavi: Ki kantite i pou monte ankor?

Apre ki Seselwa in ganny sok elektrisite, delo ek gas. Seselwa pe demande si nou sitiasyon ekonomik i pli pir ki nou pe espekte. SMB, sa swadizan laboutik malere, ozordi li osi pe reviz son pri tou le trwa mwan. Pli fermal, le mor li osi in bezwen pey son GST.

Gouvènmàn SPPF i devret pli onnet avek sa pep olye fer kwar ki in pran tou kou pandan sa deryen kenz an. Nou swete ki letan pri karbiran i redwir lo nivo enternasyonal, pou Sesel li i pa kontiyenman ogmante oubyen senpleman reste menm pri parey in leka dan

lepase.

Prenan kont ki bis pou servis lanterman in fini ogmante, kestyon ki manm piblik pe kontinyelman demande se si sa gouvènmàn SPPF pou annan kouraz pou ogmant pri tiket pour bis piblik? Nou konpran ki sa osi pe vini.

Frer ek ser Seselwa, atansyon nouvo pri pou bis. Anba tou sa soufrans avek sa gouvènmàn SPPF, Seselwa ozordi i viv dan lenkyetid pe mazine kwa ki pe vini, kwa ki pou annose? Eski pou annan ankor sok byento? Parey nou ti dir, konmela zot donn nou bann pti doz tou le semenn. Sa SPPF sa!

Sesel i annan en Superman?

Tou dimoun pe demande ki kriter i ganny servi pou apwent bann dimoun lo bann bord dan Sesel ozordi? Tou lizye ozordi i fikse lo en sel zonn. Kestyon ki serten profesyonnel i poze, se ki mannyer en sel Mr. Loustau-Lalanne i kapab diriz sa kantite bord ek lotorite?

Malgre respe ki nou annan pour kapasite e lentelizans, dan en lepok kot nou demokrase pe bouz ver en nouvo direksyon, i pa akseptab pou met sitan pouvwar dan lanmen en sel dimoun.


Mr. Loustau-Lalanne i Tyermenn bord SBC, SHA, SCAA, SIF, STB, STA, i manm bord Lanvironnman, Air Seychelles, etc... Alor

dimoun pe demande ki mannyer en sel dimoun i kapab pran tou sa kantite responsabilite. Anplis dimoun pe demande si sa imsyè pou kapab fer tou sa travay byen, oubyen i pou fer zot par bout? Enpe parey en poul avek tro bokou dizet pe kouve ki finalman plis i gate ki eklo!

Eski napa lezot Seselwa profesyonnel avek talan ek abilite ki kapab pran enpe sa bann responsabilite? Petet se pour sa rezon ki Sesel deplizanpli pe vin parey en klib eksklisiv zis pour serten dimoun.

SNP i dir ki fodre annan plis dimoun lo bann bord, e ki fodre ki tou Seselwa i ganny rekonnèt dan nou pei. Napa personn ki superman dan sa pei!

Mon annan konfyans dan Father



Ser Editer,

Tou dernyerman letan Father in komans fer dyalog avek Mr. Michel, serten siporter SNP in eksprim lenkyetid, e menm dir zot pa fye.

Mon anvi dir zot en keksoz: Father ti al dan Lasanble li tousel an 1993. Kont li ti annan SPPF ek DP. Li tousel in fer en travay forminab e ozordi nou parti i reprezant 46%. Si letan nou ti tipti nou ti annan konfyans dan li e i ti fer en bon travay, aköz ki ozordi nou pe anvi atrap son lanmen pour li marse?

Father i en boug drwat ki pe travay pour tou Seselwa. Mon 100% sir ki nou pou fyer rezilta son travay pour Sesel e SNP.

Frank Kilindo, Pointe Larue

Nou Pa Pou Zanmen Les Tonbe!